



Inatsisartunut ilaasortaq Jens-Frederik Nielsen
Demokraatit

§ 37 naapertorlugu apeqqut nr. 065-2021-mut akissut

Inatsisartut suleriaasianni § 37 naapertorlugu tjenestemandinut soraarnerussutisiat pillugit Naalakkersuisut apeqqutinin saqqummiussivutit. Apeqqutit uannut akineqartussanngorlugit innersuunneqarput.

Brevdato: 21-09-2021
Sagsnr. 2021-16136
Akt id. 17853310
P. O. Box 1037
3900 Nuuk
Tel. (+299) 34 50 00
Fax (+299) 34 63 50
E-mail: oed@nanoq.gl
www.naalakkersuisut.gl

**Naalakkersuisut uppersarsinnaanerlugu,
soraarnerussutisiaqarnissamut aaqqissuussinermut pinngitsoorani
ilaanissamut Inatsisartut inatsisaat kingusinnerusukkullu
allannguuteqartinneqartoq malillugu – sumiluunniit
soraarnerussutisiaqarnissamut aaqqissuussamut ilaagaluaaraanni,
soraarnerussutisiaqarnissamut katersanut aningaasarsianit procentinik
aaliangersimasunik katersinissamut piumasaqaatit malikkaanni?**

Soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaanni soraarnerussutisiaqarnissamut aningaasaateqarfimmi Danmarkimi imaluunniit Kalaallit Nunaanni angerlarsimaffeqartumi, imaluunniit inuunermut imaluunniit soraarnerussutisiaqarnissamut sillimmasiisarfimmi Danmarkimi imaluunniit Kalaallit Nunaanni angerlarsimaffeqartumi, imaluunniit aningaaserivimmi Kalaallit Nunaanni angerlarsimaffeqartumi imaluunniit aalajangersimasumik ingerlatsiveqartumi, pilersinneqarsimanissaa piumasaqaatigineqarpoq.

Soraarnerussutisiaqarnissamut aningaasaateqarfik, inuunermut imaluunniit soraarnerussutisiaqarnissamut sillimmasiisarfik imaluunniit aningaaserivik aningaasalersuinerimik suliaqarneq pillugu inatsimmi pineqartunut ilaassasoq aammalu allatigut suliaqarneq pineqartoq ingerlannissaanut Finanstilsynimit akuersissummik peqassasoq piumasaqaataavoq, takuuk soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaanni § 1, imm. 3.

Tamatuma saniatigut soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaanni innuttaasup soraarnerussutisiamik aaqqissuussinermik toqqaanissaanut piumasaqaateqartoqanngilaq.

- a. **Taamaassimappat paasissutissiissutigineqarnissaa kissaatigineqarpoq Naalakkersuisut ilisimaneraat, atorfillit (tjenestemandit) pinngitsaalisamik tjenestemandspensionimik saniatigut allamik soraarnerussutisiaqarnissamut aaqqissuussamut pilersitsisariaqartut?**

Inuk 18-ileereersimasoq Kalaallillu Nunaannut tamakkiisumik akileraartussaataaasoq soraarninngornissani tikillugu soraarnerussutisiaqarnissamut aqqissuussinermut akiliisussaataaavoq. Akiliisarneq ukiumi isertitaqarfiusumi pineqartup soraarnerussutisiaqalersinnaanermut ukioqalernissaa ukiunik sisamanit sioqqullugu unissinnaavoq, takuuk soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaanni § 1, imm. 1 aamma 2.

Inatsimmi § 2, imm. 1 malillugu ileqqaarnissamut tunngaviusut tassaapput inuup A-nit aamma B-nit isertitai katillugit, aningaasat aningaasarsianit akileraarutit pillugit Inatsisartut inatsisaanni § 41, imm. 2, aamma § 47 b, imm. 6 malillugit isertitanik akileraaruteqaataasussanik naatsorsuinermit ilaatinneqartussaannigitsut ilassutigalugit.

Taassuma saniatigut inatsimmi § 2, imm. 2 aamma imm. 3-mi ilaatinneqanngitsoqarpoq. Ilaatigut aningaasarsiat tjenestemandinut inatsisit arlallit naapertorlugit akilerneqartut ileqqaarnissamut toqqammavimmut ilanngullugit naatsorsorneqassanngillat.

Soraarnerussutisiaqalernissamut aqqissuussinermut peqataasussaataaneq pillugu Inatsisartut inatsisaanni § 2, imm. 2, nr. 1-4-mi tjenestemandinut ilaatinneqanngitsunut aningaasarsiat immikkoortui, tjenestemandit ataasiakkaat soraarnerussutisiaannik aalajangersaanermi ilaasut ilaatinneqanngillat, aningaasarsiallu immikkoortui allat tjenestemandit allanik A-nik B-nilluunniit isertitarisinnaasai assigalugit ileqqarnissamut tunngavimmut ilanngunneqassallutik. Tassani tjenestemandit tunngaviusumik akissarsiaat (aningaasarsiat inissisimaffiat) nalinginnaasumillu tapit, tjenestemandinut malittarisassat malillugit soraarnerussutisiamik naatsorsuinermit tunngavissiusut eqqarsaatigineqarput. Peqatigisaanik isumaqatigiissutinut ilaatinneqartunut suliffeqarnermi pissutsit assigalugit aningaasarsiani immikkuualuttut allat soraarnerussutisianik katersinissamik aqqissuussinernut isumaqatigiissutinut ilaatinneqakkajuttarnerat erseqqissaatigineqarpoq.

Tulliuttuni tjenestemandip aningaasarsiaata allagartaani akissaatit, naalakkersuisoqarfiup saaffiginninnikkut nassiussarsiai assersuusiorneqarput.

Aningaasarsiat allagartaat	Akiliut
Aningaasarsiat	22.490,92
Nalimmassaanermut tapit	6.689,42
Naalagaaffiup soraarnerussutisianut akiliutai	1.204,08
Atuunnermi tapit	2.601,97
- tapit*	1.963,50
- tapit *	1.429,25
Ataatsimoortumik sillimasiinermit tapit	108,35
Sapaatini nalliuttunilu ajunngitsorsiaq	168,36
Arf. sap. nalliuttunilu ajunngitsorsiaq	105,23
Unnuarsiorneq	168,36
Unnuarsiorneq	125,01
Piareersimasussaataaneq	3.956,46
Aggersarneqarnermi qaangiuttoornermusiat	778,56
Aggersarneqarsinnaanermi ajunngitsorsiat	1.904,40
	21.202,95

*Ilsarnarunnaarsitsineq pissutigalugu tapip taaguutaa *-mut allanngortinneqarpoq

Siuliani assersuummi tunngaviusumik aningaasarsiat 22.490,92 kr.-nik annertussuseqarput, tapillu aningaasarsiallu immikkoortui allat 21.202,95 kr.-nik annertussuseqarlutik.

Assersuummi tassani tunngaviusumik aningaasarsiat soraarnerussutisiaqalernissamut aaqqissuussinermut peqataasussaataaneq pillugu Inatsisartut inatsisaanni § 2, imm. 2, nr. 3-mi ilaatinneqanngitsunut ilaapput. Taamaattoq aningaasarsiat immikkoortui allat ilaatinneqanngitsutut isigineqanngillat, taakkumi tjenestemandit soraarnerussutisiaanik aalajangersaanermi ilanngullugit naatsorsorneqarneq ajorput, tak. Kalaallit Nunaanni tjenestemandit naalagaaffimmi atorfeqartut soraarnerussutisiaat pillugit inatsimmik nalunaarut nr. 520, 18. maj 2017-imeersumi § 4, imm. 1.

- b. Naalackersuisut isumaqarpat, inatsisinik unioqqutitsinerusoq tjenestemandit tjenestemandspensioneqartut allanik soraarnerussutisiaqarnissamut aaqqissuussanut peqataanissaat soraarnerussutisiaqarnissamut aaqqissuussinermut pinngitsoorani ilaanissamut Inatsisartut inatsisaat kingusinnerusukkullu allannguuteqartinneqartoq tunngavigalugu?**

Apeqqut 1.a-mut akissutigat takuuk.

- c. Naalackersuisut qularnaarniarpaat, atorfillit (tjenestemandit) tjenestemandip soraarnerussutisiaasa saniatigut soraarnerussutisiaqarnissamut aaqqissuussanut allanut pinngitsaalisamik pilersitsinnginnissaat?**

Naamik. Tjenestemandit tunngaviusumik aningaasarsiaat nalinginnaasumillu tapit, tjenestemandit soraarnerussutisiaannut toqqammaviusut, soraarnerussutisiaqalernissamut aaqqissuussinermut peqataasussaataaneqanermut ilaatinneqanngillat. Aningaasarsiat immikkoortui allat, soorlu tapit kiisalu A-nik B-nillu isertitaasinnaasut allat, soraarnerussutisiaqalernissamut aaqqissuussinermut peqataasussaataaneqanermut ilaatinneqarput, nunatsinnilu innuttaasunut allanut atugassarititat allat assigalugit soraarnerussutisiaqarnissamut aaqqissuussinermut assinginik piumasaqaateqarfiupput.

Sulineramik ingerlatsinermi soraarnerussutisiaqalernissamut ikaarsaarnermi aningaasatigut kinguneqaatit innuttaasut allat assigalugit tjenestemandinut killilersimaarniarneqarnerat Naalackersuisut naapertuuttutut isigaat.

Isumaqatigiissuteqarfiusumik suliffeqarnermut ilaasut assigalugit aningaasarsiat immikkoortui allat amerlaneritigut soraarnerussutisiaanik katersinermut aaqqissuussanut isumaqatigiissutaasunut ilaatinneqakkajupput. Tjenestemandinut immikkoortuni arlalinni illuatungeriinni isumaqatiginninniarsinnaatitaasuni, tjenestemandit soraarnerussutisiaat saniatigut atorfeqartinneqartut soraarnerussutisiaat aaqqissuussiviinut akiliisarnermik isumaqatigiissuteqartoqarpoq. Akiliinermut taakkununga naatsorsuineri toqqammavii isumaqatigiissutitigut aalajangersarneqartarput. Taamaalillunilu immikkoortuni taakkunani tjenestemandit soraarnerussutisiaat saniatigut, soraarnerussutisiaanik katersinermik allanik ilapittuuteqarnissaq pisariaqartutut nalilerneqareerpoq.

Apeqquut 1.a-mut akissut aamma takuuk.

1. Eqqartukkamut soqutiginaatilinnik allanik Naalakkersuisut paasissutissiisinnaappat?

Tjenestemandit soraarnerussutisiaannut tunngatillugu, tjenestemandit soraarnerussutisiaat tamakkiisumik soraarnerussutisinissamik ukiunik angusereermermi (ukiut 37-t) aningaasarsiat inissisimaffiini, tjenestemandip soraarninngornermini inissisimaffigisaani aningaasarsiat soraarnerussutisiaqalissutaasussat 57 procenterimmagit paasissutissiissutigineqassaaq.

Soraarnerussutisiaqalernissamut aaqqissuussinermut peqataasussaataitanermut inatsimmut nassuiaatini 75 procentimik matussuteqarnissamik, tassa soraarninngornermi pisortat utoqqalinermi soraarnerussutisariatitaat ilanngullugit sulinermit tunuanninnginnermi isertitat 75 procentiunissaannik anguniagaqarneq eqqarsaatigalugu, tjenestemandillu soraarnerussutisiaat taamaallaat tunngaviusumik aningaasarsiat tapiusinnaasullu 57 procentiunerat eqqarsaatigalugu, tjenestemandit ilaat soraarninngornermini isertitaminnik annertuumik appariaateqarnissartik ilimagisinnaavaat. Tjenestemandinut ilassutaasumik aningaasarsiat immikkoortuinit soraarnerussutisiaqaataanngitsunit soraarnerussutinik ileqqaagaasa, innuttaasut

taakku soraarninngornermini aningaasaqarnermikkut annertuumik appariaatoornissamik misiginnginnissaannut qulakkeerinneqataasinnaavoq.

Inussiarnersumik inuulluaqqusillunga


Asii Chemnitz Narup